



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

III. Non licet archidiacono ecclesias vacantes occupare & detinere.

urn:nbn:de:hbz:466:1-15588

ANNO
CHRISTI
1179.

DE EXCESSIBVS EPISCOPORVM

PARS
XXIV.

CONTRA SVOS ARCHIDIACONOS,

& archidiaconorum contra suos
episcopos.

CAP. I.

Item Alexander III. Londoniensi episcopo.

AD aures nostras noueris peruenisse, quod quidam archidiaconi tui, te inconsulto, contra consuetudinem ecclesiæ sibi commissæ, personas in ecclesiis instituerunt, & sic in ecclesiis vel eorum portionibus nunc filios, nunc alias personas & vicarios instituere non verentur. Volentes itaque pro officii nostri debito in irritum deducere, quod contra iuris ordinem attentatur, auctoritate apostolica tibi duximus iniungendum, vt si iidem archidiaconi post prohibitionem tuam ipsis inde factam, instituerint sine mandato & auctoritate vestra aliquos in ecclesiis, in quibus patres eorum ministrasse noscuntur, aut personas alias: vel vicarios, cum id sit canonicæ sanctioni contrarium, liberum tibi sit, nullius contradictione, vel appellatione obstante, institutiones huiusmodi penitus irritare, & taliter institutos remouere ab ecclesiis.

CAP. II. *Idem Helieni archidiacono.*

Cum satis sit absurdum, & a sanctorum patrum institutionibus alienum, vt archidiaconus auctoritate propria debeat cuilibet causam animarum committere: ægre nimis ferimus, quod tu sine mandato episcopi tui personis animarum curam committis. Quoniam igitur obtentu aliquius consuetudinis non debes sanctorum patrum institutiones transgredi, & quod ad tuum non spectat officium, vendicare: ideo mandamus, vt nemini de cetero sine mandato & licentia episcopi tui, curam animarum committere præsumas.

CAP. III. *Idem Exoniensi episcopo.*

AD aures nostras peruenit, quod quidam archidiaconi tui se in ecclesias, quæ in suis archidiaconatibus vacant, au-

Concil. Tom. 27.

LIII

et oritate propria non verentur intrudere, & sic ipsas ecclesias detinere non erubescunt. Nos attendentes absonum esse atque omni rationi contrarium præsumptionis excessum, nec volentes incorrectum relinqui: fraternitati tuæ, &c. quatenus si qui archidiaconi sint in episcopatu tuo, qui tali modo ecclesias occupatas detineant, ipsos ad eas dimittendas, omni occasione & appellatione cessante, ecclesiastica districtione compellas, & easdem ecclesias personis idoneis & honestis ordines, & præfatos archidiaconos pro tanta præsumptione, debita animaduersione punire cures.

CAP. IV. *Idem Cantuariensi archiepiscopo.*

Adhæc quoniam prædictus episcopus, sicut accepimus, plures ecclesias, & præcipue ecclesiam de Nortun, a consuetudine & obsequio archidiaconorum liberis constituit & immunes, & in hac parte redditus eorum diminuit & attenuavit: nihilo minus præsentium significatione iniungimus, ut si res ita se habet, factum episcopi hoc, appellatione remota, corrigas & emendes: & ita provideas, ut præfato archidiacono G. consuetudines, quas presbyteri in ecclesiis sui archidiaconatus debent, plenarie conferrentur, & illi debitam reuerentiam exhibeant, & honorem.

CAP. V. *Idem Burdegalensi archiepiscopo.*

Præterea de archidiacono G. * qui in tua & in Tolosana ecclesia archidiaconus sit constitutus, * in utraque ecclesia regulariter professus, collectis illis quæ in archidiaconatu tuæ ecclesiæ colligere potest, præter conscientiam tuam Tolosanam ecclesiam ingreditur, & ibi per annum vel eo amplius moratur: prudentiæ tuæ significamus, ut eum de cetero altero, quem maluerit, archidiaconatu, si res ita se habet, appellatione remota, facias esse contentum.